

**Makikita ang teksto ng panukalang ito sa website ng Kalihim ng Estado sa
voterguide.sos.ca.gov.**

Ang botong “Oo” ay mag-aaprubang, at ang botong “Hindi” ay tatanggig, sa batas noong 2018 na:

- Pinalitan ang sistema ng piyansang pera (para mapalabas ng bilangguan bago ang paglilitis) ng sistemang batay sa pagpapasya sa pampublikong kaligtasan at panganib ng pagtakas sa ibang lugar.
- Naglilimita sa pagkulong sa isang tao sa bilangguan bago ang paglilitis para sa karamihan ng maliliit na pagkakasala.

**BUOD NG TANTIYA NG PAMBATASANG TAGASURI SA
NETONG PISKAL NA EPEKTO SA PANG-ESTADO AT
LOKAL NA PAMAHALAAN:**

- Tumaas na mga pang-estado at lokal na gastusing posibleng nasa kalagitnaan ng daan-daang milyong

dolyar taun-taon para sa bagong proseso para mapalabas ang mga tao sa bilangguan bago ang paglilitis. Hindi malinaw kung ang ilan sa tumaas na mga pang-estadong gastusin ay mababawi ng mga lokal na pondong kasalukuyang ginagastos sa ganitong uri ng gawain.

- Bumabang mga gastusin sa mga bilangguan ng county na posibleng nasa mataas na milyon-milyong dolyar taun-taon.
- Hindi batid na netong epekto sa mga pang-estado at lokal na kita sa buwis na karaniwang nauugnay sa mga taong ginagastos ang pera sa mga bagay sa halip na pagbabayad para mapalabas ng bilangguan bago ang paglilitis.

PAGSUSURI NG PAMBATASANG TAGASURI

BATAYAN

**MAAARING MAGANAP ANG PAGLABAS SA BILANGGUAN
BAGO ANG PAGLILITIS SA DALAWANG PARAAN**

Pagkakalagay sa Bilangguan Pagkatapos ng Pag-aresto.

Dapat dumalo ang mga taong nakasuhan ng krimen sa maraming paglilitis sa hukuman ng paglilitis bago maaaring dinggin ang mga aktwal na kaso sa hukuman ng paglilitis. Kasama sa unang paglilitis sa hukuman—na kilala rin bilang pagsasakdal—ang pagsasabi ng korte sa mga tao ng mga kasong inihain laban sa kanila at pagtatalaga ng abugado kung kinakailangan. Dadalhin sa bilangguan ng county ang ilang taong inaresto bago ang pagsasakdal. Maaaring piliin ng mga sheriff ng county na nagpapatakbo ng bilangguan na palayain kaagad ang tao o ilagay ang tao sa bilangguan.

Paglabas sa Bilangguan Bago ang Paglilitis. Sa ilalim ng Saligang-Batas ng Estado, ang taong inaresto at inilagay sa bilangguan ng county—maliban na lang kung dahil sa mga partikular na krimen ng peloni—ay may karapatang mapalaya bago ang paglilitis. Tinutukoy ng Saligang-Batas na dapat palayain ang mga taong ito sa ilalim ng mga kundisyong hindi labis. Kapag gagawa ng mga pagpapasyang nauugnay sa pagpapalaya ng isang tao bago ang paglilitis, dapat isaalang-alang ng mga hukuman ng paglilitis ang (1) bigat ng krimeng inakusa sa tao, (2) dating kriminal na rekord ng tao, at (3) posibilidad ng pagpapakita ng tao sa hukuman. Maaaring gumamit ang mga hukuman ng impormasyon, kabilang ang mga kasangkapan sa pagtatasa ng panganib (tatalakayin nang mas detalyado sa ibaba), upang makatulong na gawin ang mga pagpapasyang ito.

Sa ilalim ng batas ng estado, karaniwang pinapalaya ang mga tao sa bilangguan bago ang paglilitis sa isa sa dalawang paraan:

- ***Sariling Obligasyon.*** Maaaring palayain ng mga hukuman ng paglilitis ang mga tao sa kanilang “sariling obligasyon” (own recognizance o OR), na karaniwang tumutukoy sa pangako ng tao na magpakita sa mga kinakailangang paglilitis ng hukuman sa hinaharap. Ang mga sheriff ng county na nagpapatakbo ng mga bilangguan ay maaari ding magpalaya ng mga tao sa pamamagitan ng OR sa ilalim ng mga partikular na kundisyon.
- ***Piyansa.*** Maaaring palayain ang mga tao sa pamamagitan ng piyansa. Ang pagpiyansa ay tumutukoy sa pinansyal na garantiya na magpakita ang isang tao sa hukuman ayon sa kinakailangan.

Mga Kasangkapan sa Pagtatasa ng Panganib Bago ang Paglilitis.

Upang makatulong sa mga pagpapasya tungkol sa kung palalayain ang mga tao bago ang paglilitis, gumagamit ang karamihan ng mga hukuman ng mga kasangkapan upang itasa ang panganib (o posibilidad) na ang palalayaing tao ay gagawa ng bagong krimen o hindi magpakita sa hukuman. Binuo ang mga kasangkapang ito batay sa pananaliksik na nagpapakita ang mga taong may mga partikular na katangian (tulad ng pagiging mas bata) ay mas malamang na gumawa ng bagong krimen o hindi magpakita sa hukuman. Nagtatalaga ang mga kasangkapan ng mga puntos batay sa mga katangian ng tao. Halimbawa, magtatalaga ang isang kasangkapan ng mas maraming puntos sa mga taong mas bata sa 22 taong gulang dahil mas malamang na gumawa sila

PAGSUSURI NG PAMBATASANG TAGASURI

IPINAGPATULUY

ng mga krimen kaysa sa mas matatandang tao. Katulad nito, ang mga taong hindi nagpakita sa hukuman nang maraming beses dati ay mas malamang na hindi magpakita sa hinaharap at makakatanggap ng mas maraming puntos. Tutukuyin ang antas ng panganib ng tao sa pamamagitan ng kabuuang bilang ng mga puntos na matatanggap. At pagkatapos ay gagamitin ang antas ng panganib na ito upang makatulong na magpasya kung ang tao ay dapat palayain at sa ilalim ng anong mga kundisyon.

PAGLAYA SA PAMAMAGITAN NG PIYANSA

Halaga ng Piyansang Tinukoy ng Bawat Hukuman ng Paglilitis. Ipinag-aatas ng batas ng estado na gumamit ang mga hukuman ng paglilitis ng iskedyul ng pagpiyansa. Inililista ng iskedyul na ito ang halaga ng piyansa na kailangan sa pagpapalaya para sa bawat krimen. Ang mga iskedyul ng pagpiyansa ay karaniwang naiiba ayon sa county ngunit nangangailangan ng mas mataas na piyansa para sa mas mabibigat na krimen. Halimbawa, nag-aatas ang iskedyul ng pagpiyansa sa County ng Los Angeles ng \$20,000 para sa panghuhuwad at \$250,000 para sa panunung ng bahay.

Piyansang Ibinigay sa Dalawang Paraan. Ang mga paraang ito ay:

- **Ibinigay ng Tao sa Hukuman.** Maaaring magbigay ang isang tao ng pera, ari-arian, o ibang gamit sa hukuman ng paglilitis na katumbas ng halaga ng piyansang kinakailangan para sa pagpapalaya. Karaniwang ibinabalik ito kung magpapakita ang tao sa hukuman ayon sa kinakailangan.
- **Ibinigay ng Ahente ng Pagpiyansa.** Maaaring magbayad ang isang tao ng hindi ibabalik na bayarin sa isang ahente ng pagpiyansa upang bumili ng bono ng piyansa na sinusuportahan ng kumpanya ng seguro. Ang bayaring ito ay karaniwang hindi mas mataas sa 10 porsyento ng halaga ng piyansa ng tao. Sa pamamagitan ng pagbibigay ng bono, sumasang-ayon ang ahente ng pagpiyansa na bayaran ang buong halaga ng piyansa kung hindi magpapakita ang tao sa hukuman ayon sa kinakailangan. Kung mangyayari ito, maaaring maghabol ang ahente ng pagpiyansa ng pagbabalik ng bayad mula sa tao.

Bihirang Magresulta sa Pagbabayad ng Buong Halaga ng Piyansa ang Hindi Pagpapakita. Kung hindi magpapakita ang isang tao sa hukuman ayon sa kinakailangan, maaaring magpasya ang hukuman na utang ang piyansa. Inilalarawan ng batas ng estado kung kailan dapat bayaran ang buong halaga ng piyansa. Halimbawa, hindi bayad ang piyansa kung ang tao ay ibabalik sa kustodiya ng tagapagpatupad ng batas o ng tauhan ng pagbabalik ng piyansa (na tinatawag minsan na “mga bounty hunter”) sa loob ng 180 araw mula sa pagpapasya ng hukuman. Hindi rin bayad ang piyansa sa ibang kaso, tulad ng kung hindi maayos na maaabisuhan ng hukuman ang kumpanya ng seguro na dapat bayaran ang

piyansa. Bilang resulta, talagang bayad lang ang piyansa sa mababang bilang ng mga kaso. Tatanggapin ng mga county at lungsod ang binayarang piyansang ito.

Industriya ng Bono ng Piyansa na Pinamamahalaan ng Estado. Kasama rito ang pagbibigay ng lisensya sa halos 2,500 ahente ng pagpiyansa at pagsubaybay sa bayaring siningil para sa bono ng piyansa na itinalaga ng halos 20 kumpanya ng seguro na sumusuporta sa mga naturang bono. Ang estado ay nag-iimbestiga rin at maaaring tumugon sa administratibong paraan laban sa mga ahente ng pagpiyansa at kumpanya ng seguro. Bilang karagdagan, nakikipagtulungan ang estado sa mga lokal na pamahalaan upang mausig ang mga kriminal na paglabag ng mga ahente ng pagpiyansa at kumpanya ng seguro sa mga hukuman. Naniningil ang estado ng mga bayarin upang makatulong na suportahan ang mga gastusin ng regulasyon.

Noong 2018, nag-isyu ang industriya ng piyansa ng halos \$6 bilyon sa mga bono ng piyansa at nangolekta ito ng halos \$560 milyon sa mga bayarin sa bono ng piyansa. Kinakailangang magbayad ang mga kumpanya ng seguro ng 2.4 na porsyento ng buwis sa seguro ng estado sa mga bayaring ito—halos \$13 milyon noong 2018.

MAAARING MAGANAP ANG PAGLABAS SA BILANGGUAN NANG IBA-IBANG PAGKAKATAON BAGO ANG PAGLILITIS

Proseso ng Pagpapalaya Bago ang Pagsasakdal.

Karaniwang maaaring palayain ang mga tao sa bilangguan bago ang pagsasakdal pagkatapos magbigay ng piyansa ayon sa nakalista sa iskedyul ng pagpiyansa para sa mga partikular na krimen. Sa ilang county, maaaring payagan ng mga hukuman ng paglilitis ang ibang mga entidad (tulad ng mga kagawaran ng probasyon ng county) na palayain ang mga partikular na tao sa OR bago ang pagsasakdal. Maaaring ipag-atas sa mga taong ito na sumunod sa mga partikular na kundisyon (tulad ng regular na pakikipag-ugnayan sa tauhan ng probasyon ng county). Ang mga hindi magbibigay ng piyansa o hindi palalayain sa pamamagitan ng OR ay ikukulong hanggang sa pagsasakdal.

Proseso ng Pagpapalaya Pagkatapos ng Pagsasakdal.

Sa pagsasakdal, pagpapasyahan ng hukuman kung (1) pananatilihin ang mga tao sa bilangguan, (2) babaguhin ang halaga ng piyansang kinakailangan sa pagpapalaya, o (3) palalayain ang tao sa pamamagitan ng OR. Ang mga taong hindi palalayain sa pamamagitan ng OR at hindi makakapagbigay ng kinakailangang piyansa ay karaniwang mananatili sa bilangguan ng county. Maaaring ipag-atas ng hukuman sa mga palalayain na sumunod sa mga partikular na kundisyon. Sa ilang mga kaso, sisingilin ang mga tao ng bayaring nauugnay sa paglaya bago ang paglilitis. Halimbawa, maaaring singilin ang isang tao para sa halaga ng elektronikong pagsubaybay, na maaaring maging isang kundisyong ipinag-utos ng hukuman. Maaaring baguhin ng hukuman ang mga pagpapasyang ito hanggang sa paglilitis o hanggang sa maresolba ang kaso.

PAGSUSURI NG PAMBATASANG TAGASURI

IPINAGPATULUY

PAGPASA NG BAGONG BATAS SA PIYANSA AT BAGO ANG PAGLILITIS NOONG 2018

Noong 2018, ipinasa ang Lehislatura at nilagdaan ng Gobernador ang batas—Batas ng Senado (Senate Bill o SB) 10—upang alisin ang pagpiyansa at baguhin ang mga proseso para sa paglabas sa bilangguan bago ang paglilitis. Magkakaroon dapat ng bisa ang batas na ito noong Oktubre 1, 2019. Gayunpaman, hindi ito nangyari dahil naging kwalipikado sa balotang ito ang reperendum sa SB 10 noong Enero 2019. Sa ilalim ng Saligang-Batas ng Estado, kapag naging kwalipikado sa balota ang reperendum sa bagong batas ng estado, mananatiling nakabinbin ang batas hanggang sa matukoy ng mga botante kung bibigyan ito ng bisa.

MUNGKAHI

Tutukuyin kung Magkakaroon ng Bisa ang Bagong Batas sa Piyansa at Bago ang Paglilitis. Ang Proposisyon 25 ay isang reperendum sa SB 10 at tutukuyin nito kung magkakaroon ng bisa ang batas. Ang botong “oo” ay nangangahulugang magkakaroon ng bisa ang SB 10 at ang botong “hindi” ay tatanggi sa SB 10. Sa partikular, ang pag-apruba sa proposisyong ito ay (1) mag-aalis ng paglaya sa pamamagitan ng pagpiyansa, (2) gagawa ng bagong proseso para sa paglaya bago ang pagsasakdal, at (3) magbabago ng kasalukuyang proseso para sa paglaya sa pagsasakdal.

AALISIN ANG PAGLAYA SA PAMAMAGITAN NG PAGPIYANSA

Aalisin ng Proposisyon 25 ang paglabas sa bilangguan ng county sa pamamagitan ng pagpiyansa bago ang paglilitis.

GAGAWA NG BAGONG PROSESO PARA SA PAGLAYA BAGO ANG PAGSASAKDAL

Mag-aatas ng Awtomatikong Paglaya para sa Pinakamaliliit na Pagkakasalang Krimen. Ipag-aatas ng proposisyong ito na ang mga taong inilagay sa bilangguan ng county para sa pinakamaliliit na pagkakasala, na mas hindi seryosong krimen kaysa sa mga peloni, ay awtomatikong palayain sa loob ng 12 oras ng pagkakalagay sa bilangguan. Ang mga partikular na taong inilagay sa bilangguan para sa maliliit na pagkakasala, tulad ng mga taong inilagay sa bilangguan para sa karahasan sa tahanan o mga taong hindi nagpakita sa hukuman nang mahigit dalawang beses sa nakalipas na taon, ay hindi awtomatikong palalayain.

Mangangailangan ng Pagtatasa ang Paglaya para sa Mga Peloni at Ilang Maliit na Pagkakasala. Ipag-aatas ng proposisyong ito na suriin ang mga taong inilagay sa bilangguan dahil sa (1) mga peloni at (2) maliliit na pagkakasala na hindi karapat-dapat sa awtomatikong paglaya para sa kanilang panganib ng paggawa ng bagong krimen o hindi pagpapakita sa hukuman kung palalayain. Mangongolekta ang tauhan ng pagtatasa ng partikular na impormasyon, kabilang ang antas ng panganib ng bawat tao na pagpapasyahan ng

kasangkapan sa pagtatasa ng panganib bago ang paglilitis. Karaniwang kakailanganin ng tauhan na palayain ang mga taong makikitang may mababang panganib. Batay sa mga batas na ginawa ng bawat hukuman ng paglilitis, palalayain din ng tauhan ng pagtatasa o ng hukom ang mga partikular na taong may katamtamang panganib. Maaaring kailanganin ng mga taong palalayain na sumunod sa mga partikular na kundisyon. Maaaring kasama sa mga kundisyong ito ang pagsubaybay, tulad ng regular na pakikipag-ugnayan sa tauhan ng probasyon ng county o elektronikong pagsubaybay. Gayunpaman, maaaring hindi kasama sa mga kundisyon ng mga taong may mababang panganib ang pagsubaybay. Maaaring baguhin ng hukuman ang mga kundisyon para sa magandang dahilan. Hindi tulad ng kasalukuyang batas, walang bayarin na maaaring singilin bilang kundisyon ng pagpapalaya. Ang mga taong may mataas na panganib at katamtamang panganib na hindi palalayain, at ang ilang partikular pa (tulad ng mga taong kinasuhan ng mga partikular na malalang krimen kabilang ang pagpatay ng tao o panununog ng tahanan) ay mananatili sa bilangguan hanggang sa pagsasakdal. Ang pagtatasa at anumang paglaya ay kakailanganing makumpleto nang hindi mas matagal sa 36 na oras mula sa pagkakalagay ng tao sa bilangguan.

Responsable ang Mga Hukuman ng Paglilitis para sa Pagtatasa Bago ang Paglilitis. Gagawin ng Proposisyon 25 na responsable ang mga hukuman ng paglilitis ng estado para sa pagtatasa bago ang paglilitis. Kasama rito ang iba't ibang aktibidad, tulad ng: (1) pagtukoy ng mga antas ng panganib gamit ang mga kasangkapan sa pagtatasa ng panganib bago ang paglilitis, (2) pangongolekta ng karagdagang impormasyong nauugnay sa panganib ng tao, (3) pagpapalaya ng mga partikular na tao batay sa kanilang antas ng panganib, at (4) pagmumungkahi sa korte ng paglaya bago ang paglilitis. Ang hukuman ng paglilitis ay maaaring gumamit ng mga empleyado ng hukuman bilang tauhan sa pagtatasa o makipagkontrata sa mga partikular na lokal na pampublikong ahensiya (tulad ng kagawaran ng probasyon ng county) upang maisagawa ang mga aktibidad na ito. Kung wala sa hukuman o kasalukuyang lokal na pampublikong ahensiya ang papayag na gawin ito o makakagawa nito, makikipagkontrata ang hukuman sa bagong lokal na pampublikong ahensiya na partikular na binuo upang isagawa ang mga aktibidad na ito.

BABAGUHIN ANG PROSESO PARA SA PAGLAYA SA PAGSASAKDAL

Sa pagsasakdal, karaniwang palalayain sa pamamagitan ng OR ang mga taong nasa bilangguan. Maaaring humiling ang mga abugado ng distrito ng pagdinig upang makulong ang mga tao sa bilangguan hanggang sa paglilitis kahit na dati na silang pinalaya. Ikukulong lang ang mga tao sa mga partikular na sitwasyon—tulad ng kung napagpasyahan ng hukuman na walang kundisyong makakatiyak na hindi sila gagawa ng krimen o hindi sila mabibigong magpakita sa hukuman. Ang mga pinalaya ay maaaring kailanganing sumunod sa

PAGSUSURI NG PAMBATASANG TAGASURI

IPINAGPATULUY

mga partikular na kundisyon ngunit hindi sisingilin ng mga bayarin bilang kundisyon ng paglaya. Pagkatapos ng pagsasakdal, maaaring humiling ang abugado ng distrito o pampublikong tagapagtanggol ng pagdinig sa pagkulong sa mga partikular na sitwasyon, tulad ng kung may bagong ebidensya sa kaso. Maaaring baguhin ng hukuman ang pagdedesasyon ng OR at mga kundisyon ng paglaya sa mga partikular na sitwasyon, tulad ng kung may bagong impormasyong ibinigay ng tauhan sa pagtatasa bago ang paglilitis.

MGA PISKAL NA EPEKTO

Maaapektuhan ng Proposisyon 25 ang mga pang-estado at lokal na gastos. Ang aktwal na laki ng mga epektong ito ay hindi tiyak at magbabatay sa kung paano bibigyang-kahulugan at ipapatupad ang proposisyon. Halimbawa, hindi malinaw kung ilang tao ang palalayain ng mga hukuman bago ang paglilitis at ang mga kundisyon na kakailanganin nilang sundin. Sa nabanggit, maaaring maging mas mataas o mas mababa ang mga epekto kaysa sa mga pagtatantiya sa ibaba.

Tumaas na Mga Gastusin ng Estado at Lokal na Paglaya Bago ang Paglilitis. Dadagdagan ng bagong proseso ng paglaya bago ang paglilitis ang gawain ng mga hukuman ng paglilitis ng estado, pati na rin ng mga abugado ng distrito ng county at pampublikong tagapagligtas. Halimbawa, magkakaroon ng gawaing nauugnay sa mga bagong pagdinig sa pagkulong. Ang pagdagdag sa gawaing ito ay maaaring mabawi sa pamamagitan ng mga pagbabawas sa ibang gawain. Halimbawa, aalisin ang gawain mula sa mga pagdinig tungkol sa halaga ng piyansang kinakailangan.

Bilang karagdagan, tataas ang mga gastusin ng estado dahil magiging responsable ang mga hukuman ng paglilitis ng estado sa pagtatasa bago ang paglilitis. Malamang na maaari ding magkaroon ang estado ng tumaas na mga gastusin sa pagsubaybay, tulad ng dahil sa pagtaas ng bilang ng mga taong sinusubaybayan pagkatapos palayain bago ang paglilitis.

Sa kabuuan, ang tumaas na mga pang-estado at lokal na gastusin bago ang paglilitis ay maaaring nasa kalagitnaan ng daan-daang milyong dolyar taon-taon. Ang halagang ito ay mas mababa sa 1 porsyento ng kasalukuyang badyet ng Pangkalahatang Pondo ng estado. Ang aktwal na laki ng pagtaas ng mga gastusin ay magbabatay sa iba't ibang salik. Kasama sa mga pangunahing salik ang bilang ng mga taong pinalaya bago ang paglilitis, ang kanilang kondisyon ng paglaya, (tulad ng kung gaano katinding pagsubaybay ang kinakailangan), at ang mga gastusin ng mga kundisyong ito. Hindi malinaw kung ang ilan sa mga tumaas na gastusin ng estado ay mababawi ng kasalukuyang paggasta ng lokal na pamahalaan sa gawain bago ang paglilitis.

Bumabang Mga Gastusin sa Bilangguan ng County.

Babawasan ng proposisyong ito ang mga populasyon sa bilangguan ng county. Ito ay madalas na dahil sa mas maraming tao ang malamang na palalayain bago ang paglilitis sa pamamagitan ng OR kaysa sa manatili sa bilangguan. Halimbawa, ang ilang taong hindi makakapagbayad ng piyansa ay palalayain sa ilalim ng bagong proseso bago ang paglilitis. Gayunpaman, ang ilan sa pagbaba sa populasyon sa bilangguan na ito ay maaaring mabawi ng ibang mga salik. Halimbawa, ang ilang tao—na sa ibang paraan ay mapapalaya sa pamamagitan ng pagpiyansa—ay maaaring makulong hanggang sa paglilitis. Sa neto, tinatantiya naming ang pagbabawas sa populasyon sa bilangguan ay magbabawas ng mga gastusin sa mga lokal na bilangguan ng county, nang posibleng nasa mataas na milyon-milyong dolyar taon-taon. Ang aktwal na pagbaba ay babatay sa bilang ng mga taong inilagay sa bilangguan pati na rin sa mga pagpapasya sa paglaya na ginawa ng mga hukuman. Ang mga mapagkukunang ito ay malamang na gamitin sa ibang aktibidad ng county.

Epekto sa Mga Pang-Estado at Lokal na Kita sa Buwis.

Maaapektuhan ng proposisyong ito ang mga pang-estado at lokal na kita sa buwis. Sa kabilang banda, babawasan nito ang mga pang-estado at lokal na kita sa buwis. Halimbawa, hindi na magbabayad ang mga kumpanya ng seguro ng mga buwis sa mga bayarin sa bono ng piyansa. Sa kabilang banda, maaaring tumaas ang mga pang-estado at lokal na kita sa buwis. Halimbawa, maaaring bumili ang mga tao ng mga produkto gamit ang pera na sa ibang paraan ay gagastusin sa mga bayarin sa bono ng piyansa. Kung ang mga produktong ito ay napailalim sa mga buwis sa pagbebenta, itataas nito ang mga pang-estado at lokal na kita sa buwis. Hindi alam ang kabuuang netong epekto sa mga pang-estado at lokal na kita sa buwis.

Bumisita sa <http://cal-access.sos.ca.gov/campaign/measures/> para sa listahan ng mga komite na pangunahing binuo upang suportahan o tutulan ang panukalang ito.

Bumisita sa <http://www.fppc.ca.gov/transparency/top-contributors.html> upang makita ang nangungunang 10 tagaambag ng komite.

Kung gusto ninyo ng kopya ng buong teksto ng panukalang ito ng estado, pakitawagan ang Kalihim ng Estado sa (800) 339-2957 o maaari kayong mag-email sa vigfeedback@sos.ca.gov at libreng magpapadala sa inyo ng kopya sa pamamagitan ng koreo.